



# 441 Gleraugnatrygging

## VÁTRYGGINGARSKILMÁLAR

### 1. Hið vátryggða.

1.1 Vátrygging þessi tekur til gleraugna sem tilgreind eru á vátryggingarskírteini.

### 2. Tjón sem vátryggingin bætir.

2.1 Vátryggingin bætir skyndilegt og ófyrirsjáanlegt tjón á hinum vátryggðu gleraugum.

### 3. Undanskildar áhættur, ásetningur og stórkostlegt gáleysi og tvítrygging.

3.1 Vátryggingin bætir ekki:

- tjón sem stafar af eðlilegu sliti, galla eða rangri samsetningu,
- kostnað við viðgerð eða hreinsun sem er ekki vegna bótaskylds atburðar,
- tjón þegar vátryggingartaki á rétt á bótum samkvæmt kjarasamningi,
- tjón í flutningi sem stafar af ónógum eða óhæfum umbúðum,
- tjón sem verður þegar gleraugu eru skilin eftir á almannafæri,
- tjón sem beint eða óbeint er af völdum kjarnabreytingar, jónandi geislunar, mengunar af geislavirkum efnum kjarnaeldsneytis og kjarnaúrgangsefnis eða af völdum styrjaldar, innrásar, hernaðaraðgerða, borgararósta, uppreisnar, uppþots, verkfalls eða svipaðra aðgerða,
- tjón sem beint eða óbeint er af völdum jarðskjálfta, eldgoss, skriðufalla, snjóflóða eða annarra náttúruhamfara.

3.2 Valdi vátryggður tjóni af ásetningi ber félagið enga ábyrgð á tjóninu. Hafi hann valdið tjóninu af stórfelldu gáleysi er félagið laust úr ábyrgð í heild eða að hluta.

3.3 Þegar tjón hefur orðið og í gildi er önnur vátrygging sem tekur til tjónsins, t.d. (til dæmis) launþegatrygging, skal uppgjör bóta fara fram eftir því sem mælt er fyrir um í 37. gr. (grein) laga nr. (númer) 30/2004.

### 4. Landfræðileg mörk.

4.1 Vátryggingin gildir hvar sem er, enda séu gleraugun í umsjá vátryggingartaka.

### 5. Gildistími.

5.1 Vátryggingin gildir í 12 mánuði frá afhendingardegi gleraugnanna og endurnýjast ekki. Við altjón fellur vátryggingin úr gildi.

### 6. Greiðsla iðgjalds.

6.1 Iðgjald greiðist við afhendingu gleraugnanna í gleraugnaversluninni og skal iðgjald tilgreint í dagsettri og númeraðri kvittun söluaðila.

### 7. Tilkyning um tjón.

7.1 Tilkynda ber tjón strax til TM trygginga hf. eða, sé slíkt sérstaklega áskilið í vátryggingarskírteini, til þeirrar verslunar er gleraugun voru keypt í og jafnframt ber vátryggingartaka að sýna vátryggingarskírteini.

7.2 Vátryggingartaki verður að tilkynda um kröfu sína í síðasta lagi innan árs frá því að honum er kunnugt um tjónið. Krafa sem tilkynnt er síðar verður ekki bætt. Ef gleraugum er stolið skal það tilkynnt til lögreglu á viðkomandi stað. Lögregluskýrsla verður að fylgja tjónstilkynningu.

### 8. Bótagreiðslur.

8.1 Viðgerð á gleraugum skal framkvæma hjá þeirri gleraugnaverslun er gleraugun voru keypt í.

8.2 Ef um altjón er að ræða fær vátryggingartaki ný eða samsvarandi gleraugu í sömu verslun. Það telst vera altjón ef viðgerðarkostnaður nemur 75% eða meira af fjárhæð þeirri er kemur fram á vátryggingarskírteini.

8.3 Tjón er ekki bætt með beinni peningagreiðslu til vátryggðs. Hámarksbætur nema fjárhæð þeirri er kemur fram á vátryggingarskírteini. Ef verð gleraugna er hærra, greiðir vátryggingartaki mismuninn. Vátryggingartaki greiðir aukinn kostnað sem kann að leiða af breytingum á gleraugum, t.d. á styrkleika eða glerjum. Annar kostnaður er heldur ekki greiddur úr vátryggingunni.

8.4 Krefjast má greiðslu bóta 14 dögum eftir að félagið átti þess kost að afla þeirra upplýsinga sem þörf var á til að meta vátryggingaratburðinn og ákveða fjárhæð bóta. Vátryggður á rétt á vöxtum af kröfu sinni samkvæmt 50. gr. vátryggingarsamningalaga.



# 441 Gleraugnatrygging

## VÁTRYGGINGARSKILMÁLAR

### 9. Eigin áhætta.

- 9.1 Vátryggingartaki ber í eigin áhættu fjárhæðir, annars vegar vegna hvers altjóns og hins vegar vegna hvers hlutajóns, sem tilgreindar eru í vátryggingarskírteini eða iðgjaldskviittun. Eigin áhætta greiðist þegar viðgerð eða ný gleraugu eru afhent hjá gleraugnaverslun.

### 10. Lög um vátryggingarsamninga.

- 10.1 Að öðru leyti en kveðið er á um í skilmálum þessum, vátryggingarskírteini eða öðrum gögnum, sem vátryggingarsamningurinn byggir á, gilda um hann lög nr. 30/2004 um vátryggingarsamninga.

### 11. Meðferð ágreiningsmála og varnarþing.

- 11.1 Ágreiningi varðandi vátryggingarsamning og bótaskyldu félagsins að öðru leyti má skjóta til Tjónanefndar vátryggingarfélaganna og úrskurðarnefndar í vátryggingamálum. Upplýsingar um þessar nefndir og starfshætti þeirra má fá hjá félaginu.
- 11.2 Þrátt fyrir úrræði skv. 1. mgr. (málsgrein) er aðilum heimilt að leggja ágreininginn fyrir dómstóla. Slík mál skulu rekin fyrir Héraðsdómi Reykjavíkur.
- 11.3 Heimili félagsins og varnarþing er í Reykjavík.

### Skráning í tjónagrunn Creditinfo Lánstrausts hf.

Tjón sem tilkynnt eru til vátryggingafélaga eru skráð í sérstakan tjónagrunn sem rekinn er af Creditinfo Lánstrausts hf. samkvæmt samningi við Samtök fjármálafyrirtækja (SFF) sem félagið á aðild að og samkvæmt heimild Persónuverndar. Félagið telst ábyrgðaraðili í skilningi persónuverndarlaga nr. 90/2018 vegna skráningar þess á upplýsingum í grunninn og uppflettingum sem framkvæmdar eru á vegum þess. Tilgangur með skráningu í tjónagrunninn er að stemma stigu við vátryggingarsvikum og ofgreiðslu vátryggingabóta. Skráðar eru upplýsingar um kennitölu tjónþola, tjónsnúmer, tegund vátryggingar og tjóns, dagsetning tjóns og skráningar, staðsetning tjóns og eftir atvikum einkvæmt númer hins vátryggða, s.s. skráningarnúmer ökutækis. Við skráningu tjóns fær félagið yfirlit yfir öll tjón sem tjónþoli hefur tilkynnt óháð félagi og skráð hafa verið í tjónagrunninn. Eingöngu starfsmenn félagsins sem skrá tjón og vinna að tjónauppgjöri hafa aðgang að tjónagrunninum. Upplýsingum skal eytt úr tjónagrunni þegar þeirra gerist ekki lengur þörf í þágu tilgangs vinnslunnar, í síðasta lagi þegar 10 ár eru frá skráningu upplýsinganna.

Skilmálar þessir gilda frá 15. janúar 2019.